

嘉靖欽州志

欽州志卷之五

知州林希元輯

學校

欽州

儒學舊在城南門外

今山川壇其故址

宋治平元年移

建城東門外崇寧三年建三舍以其狹隘徙於

州南淳熙四年知州安陽岳霖拓而重建宋儒

張南軒先生記

安陽岳侯霖爲欽州之明年政通人和乃經理其州之學悉其

故之卑陋廡廡整齊次第一新特來謁記久之未暇也又明年其學之教授周去非秩滿道桂

復以侯意來請且曰欽之爲邦僻在海隅地近夷而俗尚利縫掖之士蓋鮮有焉惟侯不敢以其陋而加忽也故新其學以勸之且求一言以示後庶幾或有興起也忼於是而嘆曰夫所爲建學者欲其士之衆多也今夫通都大邑操觚習辭發策決科肩摩袂屬必於是而後謂之多士乎哉殆未然也夫寡國鮮士亦何足病十室之邑必有忠信之質焉其成就與否則係乎學與不學而已學者所以成材而善俗也今欽州雖僻其士雖鮮然其間亦豈無忠信之質乎無以揭之曷其昭之無以道之曷其通之爲之嚴學宮於此詳其訓迪以明夫人倫之教聖賢之言行薰濡之漸由耳目以入其心志其質之美者能不有以感發乎有以感發則將去利就義以求夫爲學之功而又以訓其子弟率其朋友則多士之方豈不庶幾乎異時人材成就風俗淳美其必由今日之舉有以紹熙五年知州發之請刻記於學以垂于後來

黃旦改建於州署之東南即今學地許國公府

教授顏棫記

欽江清源黃侯報政之明年諭棫曰州學舊建於南門之外或以其

地爲山水之窮弗樂也則徙于郡之東城外逾二十年而堂廡卑陋氣象荒穢距州治及學官

解遠凡守貳朔望謁莫士之朝夕趨于學咸懈焉一日郡博士陳君來率諸生來言相郡之南

有戎官舊廨在旁可闢地數畝盍撤新之廢幾學之密邇于郡而士子肄業之便也余聞而趨

之蓋欣然改作也惟郡窘於財懼不足以集事得乎轉運方公松卿爲助鹽值九萬緡餘搏節

歲入以足其費乃以紹熙四年五月始即工十一月立大成殿雲章閣五年正月奉安先聖

先師于新殿二月上丁暨郡僚佐釋菜以告厥成堂殿中峙門闕外闢闌以峻堦翼以脩廡演

迤覲深規模宏壯師徒觀者起敬學之前環水以象泮宮而常日敷教將與學徒周旋乎其間

亟觀于學而不敢懈焉齋有四而以文行忠信
名之射有圃糧有廩書有庫齋堂庖厨罔不備
具而郡博士居其左南望大海以長城爲護北
負州治得山川之勝欽之士悅焉余不敢以遠
且陋鄙夷是邦懼久遂湮願求文以志歲月且
俾繼守是邦者有考焉械爲欽江去王畿萬里
地接交趾占者聲教所不暨之地及今建學造
士不減中州是侯所以布德宣意培植士類顧
不爲不用其極矣雖然學非若有司此可以具
文也明人倫申孝弟講習乎聖賢正心誠意之
旨歸以馴至乎位天地育萬物之極致此學之
大原也南軒張公昔嘗記斯學矣今其說可復
也人有良心觸之斯動地遠民淳固易以訓由
是侯之建學以惠多士而復古聖賢所以訓學
者以淑多士舍是而汲汲焉竊科第以謀利祿
則有幸於侯之所以望此邦者矣侯本以右序
諸生繇第進士守三州皆以最聞而所至首崇
學校以厲風俗不以事黷財置廢亦必有見於

此矣異時欽江之士漸漬興起而孝弟陸淵有學必當有如是之可書者夫教道不明吏之過也吏勤于教而士不勉焉以應士之咎也欽之士其勉之哉械不敏以是爲吏是邦者勸而亦以勸居是邦元至正中燬于寇之多士云

大明洪武七年重建宣德三年守備都指揮程瑒重

建翰林院編脩彭琉記

皇帝嗣大歷服之四年秋當開科取士東廣

藩臬大臣遣幣聘琉典文衡時欽州儒學正鄉友陳莊亦與事貢院既撤棘首語予曰莊自宣德丁未冬至欽卽見于先聖先師廟觀其棟宇皆朽壞弗支俯仰歎息心甚歎焉退而以與訓導呂璿以事告于郡守張公信郡倅廖公瑛旦曰今禮殿傾頽若是予等欲撤而新之未能願相與持疏詣鎮禦欽州廣東都帥程公求爲之倡可乎二公曰然遂以事白帥帥慨然曰孔子

萬世帝王師凡有血氣者莫不宗之雖其靈在
天安可無廟貌以居其神乎於是傾囊賜金無
絲髮吝惜之態及州大夫之正佐部屬之官僚
亦罔不隨捐已貲購材命匠而鼎建茲事至於
小大之費供槁之資莊則率師生輩悉罄俸廩
以贍不給興工之日匠氏雲屯斧斤雷動經始
於戊申十月朔啓成於己酉二月望經營謀度
咸合規矩隘者廓之卑者崇之像設有嚴毋黷
有耀門廊殿廡煥然一新較於昔則倍加焉茲
既完美久矣第無鉅筆爲之記乞先生一言以
彰厥美於無窮予辭弗置竊惟堯舜古聖人也
孔子亦聖人也堯舜之治被於天下故惟天子
得以享之孔子之教垂於萬世而郡邑得以偏
之其祭用王者事巍然南嚮以門入爲配自天
子而次皆北面跪祭如親弟子者所謂生民以
來未有盛於孔子其賢於堯舜遠矣此其驗歟
矧今聖朝碩文崇道屢勅天下有司凡遇
學校損壞卽爲脩葺毋致廢弛恩至渥也柰

欽邑僻在遐荒古號天涯生民寡鮮習俗未甚
丕變匪都帥以累世勲舊之臣練達老成之才
來鎮茲土人孰能以作興學校爲念其難矣乎
自時厥後欽之士子尤當講學以明體明體以
適用俾他日彬彬輩出掇科膺貢以躋膺仕者
咸知有所自矣吁苟有都帥之好施而無州大
夫之用心賢師範之興念又何由克底于成哉
是可歌也詩曰維茲廟學都帥所作卑下以崇
隘陋以廓巋然南嚮有師之尊群賢配享大法
是存偉哉範模克盡終始琢辭貞石永贊斯美

正統七年彭琉提督廣東學校復脩天順中復

燬于寇成化五年僉事林錦讓分司爲明倫堂

堂之左貨民居爲文廟郡人嘉興同知楊冠造

銅祭器三百九十事以供祭祀巡按廣東御史

姚綬記

三代設學所以崇重仁義維繫人心也詩書禮樂之習都鄙鄉黨在在有焉不

間於遐邇不妨於兵農故民皆知尊君親上隆師取友藹然截然其俗可封自是而後其於學也近者設而且詳遠者遺而或畧兵弗知不教之戒農弗知髦士之蒸人心泮渙仁義浸微我朝法三代以設學得人爲盛雖廣東欽州潯海而遠比年草寇竊掠民無完居連江林公彥章由廉州守膺薦超拜廣東按察司僉事奉璽書保障是方公至築營堡以備禦通商旅以貿易訓兵勸農食足信乎稔惡受戡無辜蒙釋民居以安逋逃乃復治不逾年境內翕集成化已立公慨欽州儒學荒圯乃購民餘地遷孔子廟于左又讓海北道作明倫堂于右門廡齊次庖福庫舍煥乎整飭公既廟謁遂升其堂佩衿之士于于而來濟濟有容橫經而講莫非仁義環泮池而觀聽者皆知君所當尊親所當敬隆師而知所向取友而知所輔由是而感發鹵莽之氣

消沮肅雍之風聿興吁設學果不維繫人心哉
公於是方閱兵之間首先於學豈無所謂人知
仁義則樂於效死也得人如公可多見乎吾郡
貳守楊君尚文欽州人也古循吏風由欽學
掇科樂公之與其學以俸羨餘作俎豆器物凡
三百九十有奇獻于廟以相助公之成爲俾
予記昔文翁興學西蜀信史不磨彼文翁作守
地非瀕海又無兵戎之寄其事易爲今公職在
廉訪瀕海要衝寇掠甫定卽舉及此用其財而
民不費役其力而民不勞若公可謂於所難而
易爲者矣欽廉之俗亦將見其可封矣時御史
大夫姑蘇韓公以節鉞鎮兩廣明於知人公爲
其所知必有以振起之也他日翺翔霄漢爲我
明天子復三代之治也必矣姑請勒石以記

弘治八年知州袁荃復遷東門外故址正德五
年知州徐珪脩十四年知州李純改建明倫堂

于文廟後增建名宦鄉賢二祠于戟門左右歲
久廢圯殆盡嘉靖十五年知州林希元相地弗
稱改建於城中故址文廟五間東西兩廡各七
間戟門櫺星門各三間明倫堂東西齋各三間
堂之左爲啓聖公祠右建師居二所戟門之左
爲名宦祠右爲鄉賢祠鄉賢之右爲宰牲所櫺
星之左爲儒學門東齋之南爲儀門郡守惠安
張岳記

嘉靖乙未次崖先生林侯以大理寺丞
言事謫守欽州其明年七月抵任侯之

被

命遠謫也朝諸老以侯素重望欲優以遠
地稍清曠者侯不可請一州自効乃予欽欽嶺

南齊州民俗踰疏士習亦安於一切卑近閱數
十年無能明禮義道術以振起之者至於釋奠
之宮棲士之宇亦且墮壞荒落不足以應令式
侯至亟圖所以興廢振滯作人善俗者顧州之
財力詘則先其尤甚者曰莫甚廟學按舊學在
州治南數十步弘治乙卯病於堪輿之說移置
東廓外既遷人文愈以弗競則又病之侯爲僉
諏考卜卒無以易夫故址者乃與判官朱浙學
正鄧璿暨諸縉紳學子輩議還其舊而會材料
傭工之費當爲金三百二十兩以狀白諸司皆
報可諏日令工則莫不執藝以應者其秋九月
日告遷于先師越明年六月日則所謂釋
奠之宮樓士之宇門廡庭除齋舍庖福與夫群
祀之麗于學者罔弗嚴備乃帥僚吏師生用幣
以落之退爲陳說聖賢學問工夫指示切要又
習之於春秋饋饗朝夕升降揖遜之容使其漸
摩矯揉變化故習而不能自已此侯之教也始
侯以嶺南學憲召入丞大理不五六年復出爲

是州異時典法風聲具存未見教之之難也至
其以蕞爾偏州當事力殫屈之際晨夜孜孜開
誠以先物約身以裕用卒能使學成而教益行
以酬夫請州之初志此豈可不謂之難也哉今
爾欽士得爾侯以爲師帥既先自盡其難者如
射於瞿相之圍既抗侯揚解正鵠以示之矣如
是而不能彎弓設審發而注中焉責將誰委也
古之人自鄉人塗人而至爲舜爲禹楚產之豪
傑遂能與北方學者爭先此無他尊師篤信不
怠其所趨而已夫以造化付畀之身庠序衣冠
之懿終無以自別於鄉人與塗人古之君子不
敢以自恕也况夫以荒陋自譖安居廩食誣謾
恣睢其流靡之極將必有鄉人塗人所不屑者
嗚呼爾諸士其可不惕然深思求自振拔以無
負爾侯之教也哉侯名希元字茂貞次崖其號
與予同正德丁丑進士其爲此州細大畢舉皆
可以爲後法余特志其大嘉靖十八年知州林
且急者以風多士云耳

希元復於學東城隍廟故址建號舍二十間捐俸金一十兩以助公費

社學

舊在東門外面街背江成化四年僉事林錦建後廢嘉靖四年知州藍渠鬻其地於許氏以廢崇寧寺爲之有列肆十七給學以供教讀束脩紙筆之費歲久而圯知州杜傑鬻其肆脩城社學遂廢嘉靖十七年知州林希元卽故址重建扁曰中和社學以欽俗雜夷恩變其俗又於諸

鄉都各建社學共十八所俱有名扁每學給田
二十畝又贖回鬻肆及於舊學基建市肆以贍
學

中和社學

在東門外崇寧寺故址

城南社學

在南屯村戰船廠之右

發蒙社學

在蒙村俱中和坊

茶山社學

在茶山洪屋村水東社

學

在欽江東岸水東村

騰龍社學

在古城騰龍村

雷峯社學

在白皮烏

雷之北俱城東廟

亨雷社學

在那雷村

蘆山社學

在蘆荻村

平江

社學

在蚊孖村俱新立鄉

如洪社學

在如洪江之左

留峯社學

在板

留造材社學

在那造村

凌霄社學

在板霄村

思淳社學

在思

蘆白峯社學在晉界巡司白雲村同文社學在時

防城地接思文社學在貼浪都思牙村地口州安南故名

林希元記昔先王治天下爲之農桑衣食以養

煖衣逸居無教則近於禽獸若臣父子夫婦長

幼朋友之倫乃中國之所以異於夷狄人類之

所以異於禽獸者也故先王之治既富而教於

人倫尤所先焉觀舜使契爲司徒以敷五教三

代之學皆以明倫可見矣夷考其時上自國都

下至閭巷莫不有學無不教之地人生八歲入

小學十五入大學無不教之時故民之由於學

校者莫不感發順習而趨於王道其秀而穎出

者又通升于王以分布有位任廢政先王建學

立教其意如此此所以治隆於上俗美於下而

致雍熙泰和之盛也三代遠王道衰後世建學

立教其名雖同於古人其實相去遠矣我朝

酌古爲治自府州縣以至坊隅里巷莫不有學
 在府州縣曰儒學在坊隅里巷曰社學社學之
 教主於明倫敬身儒學之教主於明經脩行以
 其責付之郡縣又命憲臣董正之三年大比
 則選其賢者能者以賓于王其意與古先聖
 王蓋未始有異也歷時既久漸失其真學於社
 學者取足於記姓名知文墨上焉者爲生徒以
 資進取明倫敬身之意失矣學於儒學者縈括
 經言議擬題意以迎合主司掇科第明經脩行
 之意失矣鄉無善俗世乏良材纖此之故又何
 恠乎治不古若哉予自知學即悟其非故往者
 督學東廣沿鄉建社學作規條選明師俾司教
 訓以與民於孝弟頒學政經說于諸生黜浮葺
 崇本實以進士於道德蓋將協贊我聖天子
 雍熙泰和之治以復古昔先王之盛也教未及
 成而遷官去有遺恨焉邇者至欽適當興頌舉
 廢之際於社學未暇之及旣而訪其民風土俗
 類多同於蠻夷乃列當禁者十數事請于當路